


U aprilu preporučujemo:



Reclaiming justice – The International Tribunal for the former Yugoslavia and Local Courts

Sanja Kutnjak Ivković i John Hagan

Djelom pod nazivom Reclaiming justice – Reclaiming justice – The International Tribunal for the former Yugoslavia and Local Courts autori Sanja Kutnjak Ivković i John Hagan na svojevrsan su način obogatili literaturu koja tematizira Međunarodni krivični sud za bivšu Jugoslaviju (Haški tribunal).

Oni obrađuju ključna pitanja o međunarodnoj pravdi na sustavan i sveobuhvatan način, fokusirajući se na zakonitost i pravosudnu neovisnost Haškog tribunala, ali i na specifična pitanja pravde te kolektivnu i individualnu odgovornost.

Djelo pruža dubinsku analizu predodžbi o Međunarodnom krivičnom sudu za bivšu Jugoslaviju te pregled rada lokalnih sudova i odluka koje su oni donijeli. Ispituje i odnos između Međunarodnog krivičnog suda za bivšu Jugoslaviju i nacionalnosti, što je posebno relevantan doprinos ako imamo u vidu da se rat vodio uglavnom duž etničkih linija.

Također, ova knjiga pruža sveobuhvatan uvid i u to kako su ljudi iz: Bosne i Hercegovine, Hrvatske, Kosova i Srbije doživjeli i ocijenili rad Haškog tribunala.



Hercegovački muslimani u koncepcijama četničkog pokreta (1941-1945)

Adnan Velagić


U izdanju Fakulteta humanističkih nauka Univerziteta Džemal Bijedić u Mostaru i Muzeja Hercegovine Mostar izašla je nova knjiga dr. sc. Adnana Velagića pod nazivom Hercegovački muslimani u koncepcijama četničkog pokreta (1941-1945) koja iz jednog novog ugla sagledava pozicioniranje muslimanskog korpusa na području Hercegovine, njegov povijesni kontinuitet, ideološki

karakter te vojno-političku poziciju.

Iako je naučna hipoteza rada usmjerena prema sagledavanju sveukupnih odnosa između četničkog pokreta Draže Mihailovića i hercegovačkih muslimana, izvan autorovog domašaja nisu ostala i određena pitanja koja su se izravno ili neizravno reflektirala na navedenu problematiku.

«U vrijeme kada se preispituje naša cjelokupna historija, a posebno historija Drugog svjetskog rata, ovaj rukopis dr. sc. Adnana Velagića o četničkom pokretu u Hercegovini i položaju hercegovačkih Muslimana, svojom ozbiljnošću i načinom analize dostupnih dokumenata, dobiva posebno na značaju.» Dr. sc. Husnija Kamberović (iz recenzije, str. 341)

U aprilu preporučujemo:




Broken Bonds: Yugoslavia's Disintegration And Balkan Politics In Transition, Second Edition

Lenard J. Cohen

Boreći se protiv različitih struja, Jugoslavija je uspjela opstati od svog osnutka 1918. do ranih 90-ih godina prošloga stoljeća. Ipak, tragični etnički i regionalni sukobi nepovratno su fragmentirali zemlju.

Autor, tematizirajući širok spektar pitanja koja se odnose na suvremenu Jugoslaviju, u završnim poglavljima nudi analizu uzroka te predočava užasavajuće posljedice, uključujući: raspravu o nedovoljnim naporima pri očuvanju mira, dinamiku kompleksnih borbi u Bosni i Hercegovini, ali i propitivanje problema s kojima se suočavaju države nastale nakon raspada Jugoslavije.




Designing Experimental Research in Archaeology

Jeffrey R. Ferguson

Designing Experimental Research in Archaeology je vodič za planiranje i provođenje znanstvenih eksperimenata u arheologiji koji je uredio Jeffrey R. Ferguson, univerzitetski profesor.

Knjiga je podijeljena na deset poglavlja, a svako od njih obrađuje određenu klasifikaciju materijalne kulture. Obiluje savjetima primjenjivim na eksperimente koji uključuju mnoštvo sirovina, ali i trikovima kako što učinkovitije obaviti određene arheološke zadatke.

U aprilu preporučujemo:



ARCHAEOLOGY AND CAPITALISM: FROM ETHICS TO POLITICS

Yannis Hamilakis, Philip Duke


Urednici i suradnici na ovome djelu fokusirali su se na političku prirodu svojstvenu arheologiji te na njezin utjecaj na praksu discipline.

Ukazujući na povijest discipline, koja je omogućavala unaprijediti imperijalističke, kolonijalističke i rasističke ciljeve, oni inzistiraju na tome da arheologija osnaži svoj prigušeni profesionalni stav te postane vidljivi aktivni nositelj promjena u društvu.

«Svrha discipline nije u apstraktnim arheološkim rekordima nego u životima pojedinaca i zajednice čiji životi i baština trpe zbog zloupotrebe ovlasti države i njezinih službenika», slažu se autori te ističu da, «samo ukoliko se usvoji politička etika za arheološku disciplinu, ona može opravdati svoje aktivnosti.»

Zbog toga su i poglavlja u knjizi postavili u rasponu od kritike tradicionalnih etičkih kodeksa, preko pregleda kapitalističkih motiva i struktura unutar same discipline, do poziva na angažirano i emancipirano djelovanje arheologije, koje bi omogućilo poboljšanje života ljudi s kojima arheolozi rade.

Autori vjeruju da će izravni izazov disciplini biti i ovaj svezak koji će pokrenuti rasprave i neslaganja, ali i nadahnuća mnogih čije je polje djelovanja upravo arheologija.



Unveiling Bosnia-Herzegovina in British Travel Literature (1844 – 1912)

Neval Berber

Neval Berber daje uvid u to kako su britanski putopisci kreirali različite slike Bosne i Hercegovine i njenih državljana, tokom 19. st. koje su svjedočile padu Osmanske vladavine na Balkanu. Tragom kompleksne interakcije između ličnih uvjerenja pisaca, političke debate, formiranje i oblikovanje javnog mišljenja, Berber pokazuje kako su identiteti razrađeni u specifičnom kontekstu.

[Odlomak](#) iz Uvoda i Glave 3 knjige „Otkrivanje Bosne i Hercegovine u britanskoj putopisnoj literaturi“ od Neval Berber, u izdanju Pisa University Press, Edizioni Plus, 2010.

– © 2010 Neval Berber